

Headline	TNB beri surat teguran		
MediaTitle	Sinar Harian		
Date	26 May 2016	Language	Malay
Circulation	279,000	Readership	837,000
Section	Nasional	Page No	37
ArticleSize	231 cm ²	Journalist	HIDAYAH HAIROM
PR Value	RM 11,820		



TNB beri surat teguran

Susulan laporan Sinar Harian mengenai pemasangan kabel haram punca banjir kilat

■ HIDAYAH HAIROM

KUALA LUMPUR - Tenaga Nasional Berhad (TNB) mengeluarkan surat teguran kepada pihak berkaitan yang didapati memasang kabel elektrik haram menggunakan saluran longkang di ibu negara sehingga menjadi punca sistem saliran tersumbat.

Pengurus Besar Bahagian Pembahagian TNB Kuala Lumpur, Datuk Ir Lim Yew Soon berkata, kerja mengalihkan semua kabel elektrik haram itu juga dibuat dan ditempatkan pada kedudukan yang betul sejak minggu lalu.

"Hasil siasatan TNB mendapati kabel yang dipasang dalam longkang

itu direntang oleh kontraktor yang dilantik pihak pengurusan premis perniagaan terlibat.

"Kerja rentangan kabel itu juga tidak mengikut spesifikasi yang ditetapkan TNB," katanya dalam satu kenyataan, semalam.

Beliau mengulas mengenai tindakan sikap ambil mudah pengusaha kelab hiburan di Jalan Changkat, Bukit Bintang, di sini, yang memasang kabel elektrik secara haram dalam longkang, selain binaan kekal yang menutup saluran tersebut menjadi punca ia tersumbat seterusnya mengakibatkan banjir kilat.

Yew Soon berkata, semua kos bagi pengalihan kabel itu akan dibilkan kepada pengusaha premis berkenaan.

Sebelum ini, *Sinar Harian* menyiarkan laporan berhubung tindakan

pihak tidak bertanggungjawab memasang wayar utiliti melalui saluran longkang yang menjadi antara punca banjir kilat di ibu negara.

Alam Flora Sdn Bhd selaku pihak bertanggungjawab menjalankan kerja pembersihan longkang mengakui hal itu apabila kira-kira 25 lokasi dikenal pasti berlaku keadaan sedemikian.



Laporan laporan Sinar Harian, 21 Mei lalu.



TNB membantu pengalihan kabel di Changkat Bukit Bintang akibat rentangan kabel tidak mengikut spesifikasi oleh kontraktor sebuah kelab hiburan di situ.